



Broj: 02-05-29024-1/19  
Sarajevo, 22.07.2019. godine

## **PREDSJEDAVALJUĆI SKUPŠTINE KANTONA SARAJEVO ZASTUPNICIMA SKUPŠTINE KANTONA SARAJEVO**

**PREDMET:** Amandman Vlade Kantona Sarajevo na Prijedlog odluke o davanju saglasnosti na Izmjene i dopune Finansijskog plana Zavoda zdravstvenog osiguranja Kantona Sarajevo za 2019. godinu i Amandman Vlade Kantona Sarajevo na Prijedlog odluke o davanju saglasnosti na Odluku o izmjenama i dopunama Odluke o izvršavanju Finansijskog plana Zavoda zdravstvenog osiguranja Kantona Sarajevo za 2019. godinu.-

Shodno odredbama člana 152. Poslovnika Skupštine Kantona Sarajevo („Službene novine Kantona Sarajevo“, broj: 41/12 - Drugi novi prečišćeni tekst i broj: 15/13, 47/13 i 47/15), Vlada Kantona Sarajevo na **38. vanrednoj** sjednici održanoj **22.07.2019.** godine, utvrdila je i podnosi slijedeće:

**1.1. Amandman na Prijedlog odluke o davanju saglasnosti na Izmjene i dopune Finansijskog plana Zavoda zdravstvenog osiguranja Kantona Sarajevo za 2019. godinu:**

### **AMANDMAN**

U Prijedlogu odluke o davanju saglasnosti na Izmjene i dopune Finansijskog plana Zavoda zdravstvenog osiguranja Kantona Sarajevo za 2019. godinu, predlažu se slijedeće izmjene i dopune, kako slijedi:

U rashodovnom dijelu:

1) unutar konsultativno-specijalističke zdravstvene zaštite, izza tačke 2.3.1., dodati novu tačku 2.3.2. »Deficitarne usluge zdravstvene zaštite po javnom pozivu« u iznosu od 1.500.000 KM. Redosljed ostalih tačaka se pomjera za 1.

2) Stavku 2.5.1.5. »Zavod za transfuzijsku medicinu Federacije BiH« povećati za 500.000 KM.

U prihodovnom dijelu:

1) Poziciju C.1. »Preneseni dio sredstava iz akumuliranog viška prihoda nad rashodima iz ranijih godina« povećati za 2.000.000 KM koja će iznositi 20.7000.000 KM.

### **Obrazloženje**

Na osnovu člana 27. stav 5. Zakona o Budžetima u Federaciji Bosne i Hercegovine („Službene novine Federacije BiH“, br. 102/13, 9/14, 13/14, 8/15, 91/15, 102/15, 104/16, 5/18 i 11/19), Ministarstvo finansija Kantona Sarajevo je dostavilo Mišljenje na Prijedlog odluke o davanju saglasnosti na Izmjene i dopune Finansijskog plana Zavoda zdravstvenog osiguranja Kantona Sarajevo za 2019. godinu, broj: 08-03-14-28164/19 A.Š. od 17.07.2019. godine. U

navedenom mišljenju su predložene izmjene i dopune unutar Prijedloga odluke o davanju saglasnosti na Izmjene i dopune Finansijskog plana Zavoda zdravstvenog osiguranja Kantona Sarajevo za 2019. godinu, kako je navedeno u Amandmanu.

## **1.2. Amandman Vlade Kantona Sarajevo na Prijedlog odluke o davanju saglasnosti na Odluku o izmjenama i dopunama Odluke o izvršavanju Finansijskog plana Zavoda zdravstvenog osiguranja Kantona Sarajevo za 2019. godinu:**

### **AMANDMAN**

U Prijedlogu odluke o davanju saglasnosti na Odluku o izmjenama i dopunama Odluke o izvršavanju Finansijskog plana Zavoda zdravstvenog osiguranja Kantona Sarajevo za 2019. godinu, predlažu se slijedeće izmjene i dopune, kako slijedi:

a) U Članu 3. iznos od 18.700.000 KM se mijenja i glasi 20.700.000 KM.

b) Član 5. se mijenja i glasi:

"Član 16. Odluke se mijenja i glasi:

„Sredstva planirana na poziciji 2.3.1. Finansijskog plana Zavoda usmjerit će se za finansiranje usluga specijalističko konsultativne zdravstvene zaštite i realizirat će se na osnovu ugovora potpisanih sa zdravstvenim ustanovama i ordinacijama, odabranih putem javnog poziva.

Sredstva planirana na poziciji 2.3.2. Finansijskog plana Zavoda usmjerit će se za finansiranje deficitarnih usluga zdravstvene zaštite po javnom pozivu i realizirat će se na osnovu ugovora potpisanih sa zdravstvenim ustanovama i ordinacijama, odabranih putem javnog poziva u cilju skraćivanja listi čekanja i blagovremenog osiguranja potrebnih zdravstvenih usluga.

Sredstva planirana na poziciji 2.3.3.- „Sredstva za refundaciju troškova pružene usluge potpomognute oplodnje i liječenje“ realizirat će se u skladu sa Odlukom Upravnog odbora Zavoda, na osnovu odluka direktora Zavoda o refundaciji sredstava donesenih po podnesenim zahtjevima osiguranih lica, a najviše do iznosa sredstava planiranih Finansijskim planom za ovu namjenu. Po stupanju na snagu Zakona o biomedicinski potpomognutoj oplodnji sredstva će se realizovati u skladu sa odredbama istoga a najviše do iznosa planiranog za ovu namjenu.

Za finansiranje usluga medicinske rehabilitacije sa prirodnim ljekovitim faktorom planiran su sredstva na poziciji 2.3.4 Finansijskog plana Zavoda i ista će se realizovati po preporuci ovlaštenih ljekara i kriterijima utvrđenim Pravilnikom o utvrđivanju prava osiguranih lica na medicinsku rehabilitaciju, uslovima i postupku ostvarivanja tog prava.

Sredstva planirana na poziciji 2.3.5. Finansijskog plana usmjerit će se za finansiranje programa rane detekcije infekcijom virusa hepatitisa B i C kod zdravstvenih radnika, koje provodi Zavod za medicinu rada Kantona Sarajevo. Zavod će izvršiti doznaku sredstava Zavodu za medicinu rada kantona Sarajevo na osnovu dostavljenog izvještaja o broju pruženih usluga.

Sredstva planirana na poziciji 2.3.6. „Naknada za Projekat koordinirani i održivi odgovor s ciljem smanjenja ovisnosti u BiH“ realizirat će se u skladu sa Odlukom Upravnog odbora Zavoda o potpisivanju zajedničkog Sporazuma između Razvojnog programa Ujedinjenih nacija (UNDP), Ministarstva zdravstva Kantona Sarajevo i Zavoda za implementaciju projekta „Održivi odgovor sa ciljem smanjenja ovisnosti u Bosni i Hercegovini“ iz 2017. godine, u skladu sa kojim je Zavod pružio obavezu osiguranja sredstava za tri godine. Sredstva za ove namjene doznačit će se Zavodu za bolesti ovisnosti Kantona Sarajevo.

Dodatna sredstva za posebne programe zdravstvene zaštite na poziciji 2.3.7. realizirat će se dijelom po osnovu programa osiguranja biološke terapije za liječenje osiguranih lica oboljelih od reumatoidnog artritisa i sličnih oboljenja (psorijatični artritis, aksijalni spondilitis), programa osiguranja bezglutenskog brašna za oboljele od celijakije i programa liječenja šizofrenije, kada druga terapija ne daje adekvatan odgovor kao i drugi programi koji nisu dio pozitivne liste lijekova za Kanton Sarajevo kao ni dio vertikalnih programa finansiranja a za koje se utvrdi da su neophodni za realizaciju ciljeva postizanja bolje zdravstvene zaštite osiguranih lica Kantona Sarajevo. Sredstva će se realizovati na osnovu Protokola potpisanih između Ministarstva zdravstva Kantona Sarajevo, Zavoda, zdravstvene ustanove i ugovorne apoteke. Protokolima se regulišu uslovi za ostvarivanja navedenih prava, medicinske indikacije, ovlašteni ljekari za propisivanje, ovlaštne apoteke za izdavanje recepata, cijena, sprovođenje nadzora, dužina trajanja programa.

U okviru provodjenja posebnih programa zdravstvene zaštite, realizovat će se za provođenje Programa poboljšanja tretmana i kontrole dijabetesa, koji se predlaže kao specifičan program u okviru realizacije Strategije borbe protiv dijabetesa u F BiH za period 2014-2024. Sredstava po ovom osnovu realizovat će se na osnovu ispostavljenih faktura ugovornih subjekata za urađene periodične specifične kontrole za cca 10.000 inzulini ovisnih osiguranika Kantona Sarajevo.

U skladu sa zaključkom Vlade Kantona Sarajevo broj 02-05-188817-3/19 na poziciji 2.3.8. planirana su sredstva za provođenje programa za finansiranje dijagnostike i liječenja teško oboljele djece, koji će se pripremiti u saradnji sa Ministarstvom zdravstva Kantona Sarajevo. Sredstva će se realizirati u skladu sa posebno definisanim programom, koji donosi Ministarstvo zdravstva Kantona Sarajevo u saradnji sa Zavodom“.

### **Obrazloženje**

Na osnovu člana 27. stav 5. Zakona o Budžetima u Federaciji Bosne i Hercegovine (“Službene novine Federacije BiH”, br. 102/13, 9/14, 13/14, 8/15, 91/15, 102/15, 104/16, 5/18 i 11/19), Ministarstvo finansija Kantona Sarajevo je dostavilo Mišljenje na Prijedlog odluke o davanju saglasnosti na Izmjene i dopune Finansijskog plana Zavoda zdravstvenog osiguranja Kantona Sarajevo za 2019. godinu, broj: 08-03-14-28164/19 A.Š. od 17.07.2019. godine.

U navedenom mišljenju su predložene izmjene i dopune unutar Prijedloga odluke o davanju saglasnosti na Izmjene i dopune Finansijskog plana Zavoda zdravstvenog osiguranja Kantona Sarajevo za 2019. godinu, te se u skladu sa predloženim izmjenama i dopunama usklađuje Prijedlog odluke o davanju saglasnosti na Odluku o izmjenama i dopunama Odluke

o izvršavanju Finansijskog plana Zavoda zdravstvenog osiguranja Kantona Sarajevo za 2019. godinu, a kako je navedeno u Amandmanu.

## **P R E M I J E R**

**Edin Forto**

Dostaviti:

- Predsjedavajući Skupštine Kantona Sarajevo
- Skupština Kantona Sarajevo
- Zamjenicima predsjedavajućeg Skupštine Kantona Sarajevo 3x
- Sekretar Skupštine Kantona Sarajevo
- Premijer Kantona Sarajevo
- Ministarstvo zdravstva
- Evidencija
- A r h i v a



web: <http://vlada.ks.gov.ba>  
e-mail: [vlada@vlada.ks.gov.ba](mailto:vlada@vlada.ks.gov.ba)  
Tel: + 387(0)33 562-068, 562-070  
Fax: + 387(0)33 562-211  
Sarajevo, Reisa Džemaludina Čauševića 1

